

corde contriti, & ore confessi veniam indulgemus, & in retributione istorū salutis æternæ pollicemur augmentū. Eis autē, qui licet in alienis expensis, in propriis tamen illuc personis accesserint, & illis similiter, qui juxta qualitatem & facultatem suam, personas idoneas in expensis propriis destinabunt, quamvis personaliter ipsi non vadant, plenam suorum concedimus veniam peccatorum. Hujusmodi quoque remissionis & indulgentiæ volumus & concedimus esse participes, juxta quantitatem subsidii & devotionis affectum, eos qui licet non juxta qualitatem & facultatem suā, aliquem tamen, seu aliquas personas in subsidium dictæ Terræ propriis sumptibus destinabunt, vel de suis temporalibus bonis contribuent ad aliquas destinandas. Necnon omnes, qui ad subventionem ipsius Terræ, de bonis eisdem aliqua ministrabunt, prout singulis divina fuerit inspiratione suggestum, aut aliās ad promotionem præmissi negotii consiliū & auxilium impenderit opportunum. Porro si forte aliquos eorum, qui cruce suscepta in jam dictum Terræ Sanctæ subsidium proficiscendi laborem subierint, post arceptū iter hujusmodi ex hac luce migrare contigerit, ipsos nihilominus plenè percipere volumus Indulgentiam prælibatā. Personas quoque, familias & bona eorum, quos ad transfretandum personaliter, vel juxta quāritatem & facultatem suam, personas idoneas destinandi votum assumptæ jam Crucis adstringit, ex nunc, quos verò suscipiendæ Crucis de cætero votum obligabit ad idem, à die qua taliter Crucem assumpserint, sub B. Petri & nostra protectione suscipimus, statuentes ut sub Diœcesanorum defensione suorum consistant. Quod si eos aliqui indebitè molestare præsumperint, per diœcesanos locorum, in quibus iidem molestatores fuerint, per censuram Ecclesiasticam, appellatione postposita, compescantur.

Indultū quod non trahatur extra diœcesim.

§. 5. Præterea, ipsis qui prædicto modo Crucem vel jam assumpserint, vel assument in posterum, indulgemus ut per Sedis Apostolicæ literas, vel Legatorum ejus (nisi forte illæ quæ ab eadem Sede obtentæ fuerint, plenam de indulto hujusmodi fecerint mentionem) extra suas diœceses non valeant conveniri, dummodo parati existant coram suis Ordinariis de se querelantibus respondere, quos per eosdem Ordinarios Ecclesiastica censura defendi, cessante appellationis obstaculo, volumus ab iis, qui eosdem contra Indultum hujusmodi præsumperint temerè molestare.

Usurarum relaxatio.

§. 6. Si qui verò ipsorum ad præstandas usuras juramento teneantur adstricti, creditores eorum per diœcesanos suos censura simili compellantur, ut juramentū hujusmodi penitus relaxantes, ab usuræ ulterius exactioe desistant. Si autem aliqui creditorū eos ex tunc ad solutionem coegerint usurarum, ipsos ad restitutionem ipsarum per eosdem diœcesanos simili volumus distractione compelli. Judæos quoque ad remittendas ipsis usuras per sæcularera compelli præcipimus potestatem, & donec eas remiserint, ab omnibus Christi fidelibus, quibus hoc per suos diœcesanos denuntiatur extiterit, tam in mercimoniis, quàm in aliis, sub excommunicationis pœna jubemus eis communionem omnimodam denegari.

Facultas petendi absolutionem ab excommunicationis sententia in certis casibus.

§. 7. Postremò, Crucesignatis & Crucesignandis eisdem volentes plenius providere, diœcesanis ipsorum, ac nonnullis aliis, absolvendi eos ab excommunicationis sententiis in variis casibus, de quibus secundum facti exigentiam putavimus expedire, necnon dispensandi cum Clericis, qui cum à Canone, vel homine latam sententiam incurrissent, irregularitatis notam, immiscendo se divinis Officiis, contraxerunt, per has nostras literas plenam & liberam concedimus facultatem.

Dat. P. A. 4. die 1. Aug.

Dat. apud Urbem Veterem, Kal. Aug. Pont. nostri an. 4.

VI. Quod exhibeantur Ordini Fratrum B. Mariæ de Mercede Redemptionis Captivorum, omnia legata quæ pro d. Redemptione, non tamen certis personis relinquuntur.

Hunc Ordinem à Greg. IX. institutum fuisse liquet ex ejus bulla n. 9. Devotionis, sup. lib. 1. ubi plenè notari.

NICOLAVS EPISCOPVS, *Edictum Servus Servorum Dei; Venerabili Fratri Episcopo Casertano Augustano. Salutem & Apostolicam benedictionem.*

EX parte dilectorum filiorum Magistri, Prioris, & Fratrum S. Mariæ Captivorum, Barchinonen. Ordinis S. Augustini, fuit nobis humiliter supplicatum, ut cum ipsi sua omnia quæ habent, reponant sollicito studio pro redemptione captivorum qui detinentur ab inimicis nominis Christiani, exhiberi eis, quæ pro redemptione captivorum hujusmodi, Christi fidelibus relinquuntur, per districtum aliquem mandarem.

§. 1. Nos itaque dignum reputantes, ut relicta hujusmodi exhibeantur Magistro, Priori, & Fratribus supradictis, fraternitati tuæ per Apostolica scripta mandamus, quatenus pecuniam, terras, possessiones, & alia bona, quæ generaliter Christi fidelibus reliquuntur pro redemptione hujusmodi faciendā, illis duntaxat exceptis, quæ certis & expressis personis in captivitate detentis, relicta vel dimissa esse noscuntur, Magistro, Priori, & Fratribus prædictis, per te vel per alium, aut alios facias exhiberi, detentores pecuniarum, terrarum, & bonorum prædictorum, ad exhibendum Magistro, Priori, & Fratribus præfatis, monitione præmissa, per censuram Ecclesiasticam appellatione postposita compellendo.

§. 2. Non obstante si aliquibus à Sede Apostolica fuerit indultum, quod interdicti, suspendi vel excommunicari non possint per literas Apostolicas, quæ de indulto hujusmodi plenam & expressam non fecerint mentionem, sive qualibet alia Indulgentia dictæ Sedis, cujuscumque tenoris existat, per quem effectus præsentium impediri valeat vel differri, & de qua ejusque toto tenore de verbo ad verbum habenda sit in nostris literis mentio specialis.

Dat. apud Urbem Veterem, Nonis Augusti, Pontific. nostri anno 4.

COELESTINUS V. PONTIF. CXCIV. ANNO DOMINI MCCXCIV.



COelestinus V. Eremita, Petrus de Morone antea dictus, de Marsari Oppido Efernæ in Samnitibus, Patre Angelerio. Creatus Perusis Nonis Julii anno salutis 1294. Coronatus Aquilæ 4. Kal. Septemb. eodem anno. Sedit in Apostolica Sede menses 5. dies 5. Creavit Cardinales duodecim. Abdicavit in die S. Lucie Idibus Decembr. 1294. Obiit Anno Domini 1296. 14. Kal. Junii. Corpus in Templo sui Ordinis S. Antonii Ferentini ante Aram Maximam collocatum fuit.

Appro

Approbatio Statutorum Congregationis Monachorum Coelestinorum Ordinis S. Benedicti, cum indultorum, & gratiarum concessione.

Alam approbationem decrevit Bened. XI. inf. in sua const. 2. Religiosam. Et exemptiones confirmavit & extendit Greg. XI. in sua const. 10. Sacra, Privilegiaque approbavit Paul. V. in sua const. 15. Injuncti, ubi Abbas Gen. potestatem declaravit.

Privilegia Congregationi Cassinensi, & aliorum Monachorum Congregationibus concessa, & concedenda, huic Congregationi Coelestinorum communicavit S. D.N. Urb. VIII. in const. 24. Sacrosancti, inf. tom. 4. Et postea in Capitulo generali de mandato ejusdem Sanctissimi emendatae fuerunt & editae Constitutiones d. Congregationis, quas approbavit idem S. D. N. Urb. VIII. in const. 56. Sacrosanctum, d. tom. 4.

AD COELESTINVS EPISCOPVS, Servus Servorum Dei: Dilectis filiis Honufrio Patri, Abbati Monasterii S. Spiritus de Sulmona, Valen. Diocesis, ejusque Coabbatibus, ac Prioribus & Praelatis Monasteriorum, Prioratum, Ecclesiarum, Membrorum & locorum eidem Monasterio S. Spiritus subiectorum, eorumque Conventibus, Collegiis & Fratribus Ordinis S. Benedicti, presentibus & futuris in perpetuum.



Tu cunctos Ordines plantatos in Sacrosanctae ac universalis Ecclesiae horto paternis prosequamur affectionibus, & ad statum ipsorum tranquillum & prosperum sollicitudinem intendamus: Beati tamen Benedicti Ordinem (in quo, dum juventutis nostrae progressio ordinaretur, professionis nostrae vota devovimus) singulari & praecipua affectione diligimus, & zelo sincerioris & strictioris charitatis afficimur circa ipsum. Et ad suae stabilitatis, & promotionis incrementa felicia, operam operamque sollicitam impendentes, speramus in Domino, quod idem Ordo ab antiquis annis in divinae laudis charitate fundatus, per vestrae sollicitudinis studium servabit eo perfectius fructus suos, quo... per vestrae sollicitudinis studium, quantum vobis ex alto permissum fuerit, restauratus, amissi luminis propriam reallumere poterit in summae lucis, quae CHRISTUS est, potentia claritatem.

§. 1. Cupientes igitur, ut circa praefatum Ordinem hujusmodi nostrae charitatis affectus eniteat operis per effectum, Statuta, Constitutiones, instituta & ordinaamenta in eodem Ordine pro salute vestra facta, auctoritate Apostolica confirmamus, & canonicè in posterum facienda volumus & mandamus ex tunc inviolabiliter observari.

§. 2. Ac eundem Ordinem, necnon Monasterium S. Spiritus de Sulmona, & alia Monasteria, Ecclesias, Prioratus, membra & alia omnia loca dicto Monasterio S. Spiritus subiecta, ubicumque consistentia, eidem Ordini incorporata, vel incorporanda in posterum, eorumque personas ab omni prorsus jurisdictione, potestate ac dominio Archiepiscoporum & Episcoporum & Abbatum omnium, in quorum Civitatibus & Diocesis ac Provinciis illa consistunt & consistent etiam in futurum, ac aliorum quorumlibet Ordinariorum, Praelatorum & Capitulorum seu Conventuum, Monasteriorum & Ecclesiarum & personarum quatuorlibet prorsus eximimus & etiam liberamus, & ea omnia & singula libera & exempta volumus perpetuo totaliter permanere. Exemptionum gratias in illis ex vestris Monasteriis, quae prius per Sedem Apostolicam exempta fuerant, in suo robore nihilominus duraturis. Non obstante, si Monasteria, Prioratus, Ecclesiae, membra & alia loca praefata, Diocesani Episcopis, vel aliis personis ad census aliquos teneantur, vel reperirentur forsitan aliquibus in aliquo obligata. Et in eo praecipue, quod Fratres d. Ordinis in S. Spiritus de Matella, & S. Spiritus de Sulmona, Monasteriorum Conventibus constituti, sub-

Bullar. Mag. Tom. I.

missiones quasdam dilectis filiis Capitulo Basilicae Principis Apostolorum de Urbe, de facto, sive de jure fecisse dicuntur, quas submissiones sub quacumque verborum concessione vel expressione confectas necnon & praefatos census de plenitudine potestatis enervamus, cassamus, irritamus omnino, & viciis carere decernimus, & nullius ex nunc existere firmitatis, ita quod praetextu earundem submissionum ac censuum aliquorum, tu fili Pater Abbas, tuique successores & Fratres ac personae Monasteriorum & locorum aliorum vestrorum praedictorum, à quoquam de caetero nequeant molestari, vosque, vestrosque successores, ac Monasteria & loca in perpetuum nolumus molestari.

§. 3. Et quia inter alia, quae immunitates sapiunt, de praecipuis casibus arbitramur hoc esse necessarium, ut de substitutione futuri Abbatis, tibi Fili Abbas S. Spiritus, quem Patrem Abbatem caeteris tuis Coabbatibus & Praelatis & Fratribus tibi subiectis, presentibus & futuris perpetuo stabilimus, praecipue ordinamus, & praesenti decreto statuimus, annis singulis in majori vestro Monasterio, vel in alio loco vestri Ordinis, ubi vobis expediens visum fuerit, fiat Capitulum Generale, ubi vestri Ordinis & locorum, secundum B. Benedicti Regulam, facta tractentur, Praesidentes vestri Capituli celebrandi, & Visitatores vestri, locorumque vestrorum constituantur in illo, secundum vestri Ordinis instituta. Ubi volumus & districte praecipimus observari, quod Pater Abbas singulis trienniis in Generali Capitulo sponte suam offerat, & exhibeat sessionem. Nisi forte dictus Pater Abbas ante tempus hujusmodi in aliqua de gravioribus culpis, à Visitatoribus, vel alias legitime deprehensus, amotionem in dicto Capitulo mereatur. Quod si idem Pater Abbas, vel cesserit, aut amotus extiterit, idem Capitulum statim, & absque temporis intervallo ad Patris Abbatis substitutionem procedat, & juxta formam in Regula tradita debitos constituat Electores. Qui sub conclavi positi, antequam cibum & potum sumant, Abbatem cedente, (si eum utilem esse non putaverint) vel de alia persona Monasteriorum & locorum vestrorum per electionem canonicam praedicto Monasterio S. Spiritus, provideant de Abbate. Qui quidem Abbas, nulla super hoc à Sede Apostolica confirmatione petita vel obtenta, eo ipso suae administrationis Officium habeat, & illud tanquam Pater Abbas, prout ad eum pertinet, libere exequatur.

Celebratio Capituli generalis, & electio Abbatis.

§. 4. Ac idem electus, si alias non extiterit benedictus, benedictionis suae munus à quocumque maluerit Catholico Episcopo, gratiam & communionem Apostolicae Sedis habente recipere studeat, illudque sibi dictus Episcopus (si divinam ultionem evitare voluerit) gratis impendat. Alioquin praedictum electum, ut praemittitur, in executione suae administrationis, in ordine tamen Sacerdotii volumus permanere.

Abbas benedictio.

§. 5. Et si dictus Pater Abbas infra annum forte decederet, Prior vel Superior dicti Monasterii S. Spiritus, & Visitatores etiam, curam & administrationem ac custodiam dicti Monasterii S. Spiritus gerant & habeant usque ad tempus Capituli Generalis, ubi secundum praemissum modum dicto Monasterio provideri debeat de Abbate.

Subrogatio alterius co-defuncti durante officio.

§. 6. Nosque volentes, vos & bona vestra paternis favoribus confovere, personas vestras, & loca, in quibus estis divino obsequio mancipati, cum bonis vestris omnibus sub B. Petri, & nostra protectione suscipimus, & praesentis scripti patrocinio communimus.

Ordinis protectio sub B. de Apost.

§. 7. In primis siquidem statuentes, ut praefatus Ordo in eodem S. Spiritus, & aliis Monasteriis, Prioratibus, locis, & membris vestris, praesentibus & futuris, perpetuis temporibus inviolabiliter observetur. Et quascumque possessiones, & bona, quae praefatum Monasterium S. Spiritus, cum Monasteriis & locis suis in praesentiarum rationabiliter possidet, aut in futurum concessione Pontificum, largitione Regum, vel Principum, oblatione fidelium, seu aliis iustis modis (praestante Domino) poterit adipisci, firma vobis, vestrisque successoribus illibata maneant, & queta. In quibus haec propriis duximus exprimens vocabulis, videlicet locum ipsum, in quo praefatum Monasterium situm esse dignoscitur, cum omnibus

Ordinis approbatio in d. Monasterio & aliis.

pertinentiis suis. Monasterium S. Joannis in Plano, Nucerinæ Diœcesis, S. Spiritus de Maiella, S. Petri Vallis bonæ, S. Spiritus de Buclano, S. Spiritus de Ortona, S. Spiritus de Lariano Theatinæ Diœcesis, S. Eusebii de Urbe, S. Mariæ in Pizano, S. Salvatoris de Civitate Penensis, Pennensis Diœcesis; S. Mariæ de Collemadio, juxta Aquilam; S. Spiritus de Isernia, S. Mariæ de Trevento, S. Mariæ de Anglone, Treventinæ Diœcesis; S. Spiritus juxta Venafrum, S. Spiritus Alifanensis, S. Antonii de Campania, Feretinatæ Diœcesis; S. Antonii Anagninæ Diœcesis: Prioratus S. Joannis de Aqua sancta, S. Mariæ inter montes, S. Georgii de Rocha Morici, & S. Petri de Monte plano Ecclehas, cum Ecclesiis, Capellis, Decimis, & grangiis, pratis, vineis, terris, sylvis, nemoribus, usuagiis, & pascuis, aquis, aquarumque decursibus, molendinis, viis & semitis, jurbibus, libertatibus, & immunitatibus, fructibus, & universis obventionibus eorundem.

§. 8. Sanè de fructibus terrarum & possessionum vestratum, ac etiam novalium, quæ propriis manibus & sumptibus colitis, vel per homines vestros, aut alios excoli faciatis, in propriis prædiis seu etiam alienis, sive de hortis & piscationibus vestris, vel de nutrimentis animalium vestrorum, nullus à vobis decimas exigere, vel extorquere præsumat, à quarum præstatione vos totaliter liberamus. De decimis namque quæ pro subsidio Dominorum temporalium de mandato Sedis Apostolicæ à Clericis, & personis Ecclesiasticis in Italiæ partibus pro tempore exiguntur, circa vos, & vestra Monasteria & loca, sic volumus observari, quod vobis pro singulis vestris Monasteriis, cum grangiis & pertinentiis eorundem, pro decimis prædictis singulos florenos auti plenè solventibus, ad solutionem majorem, vel aliam, pro prædictis decimis faciendis, vos & Monasteria, Prioratus, Ecclehas, Grangias, & loca vestra omnia decernimus non teneri, & excommunicationum, suspensionum, & interdicti sententias contra vos, & in prædicta loca quavis auctoritate in contrarium præferendas, ipso facto aliquatenus non tenere.

Exemptio à Decimis. Ad hoc vide declarationes in Bull. 10. Greg. XI. Sacra.

Facultas recipiendi quoscumque, etiam alienos Religiosos. Tn ad hoc vide declarationem Pii V. in sua constitut. 89. Quocumque.

§. 9. Liceat quoque vobis Clericos, seculares vel Religiosos, cujuscumque Religionis existant, vel Laicos quoscumque, qui Mundi relictis illecebris, ad vos & loca vestra convolaverint, ad Ordinem vestrum in locis vestris recipere, ac eos absque contradictione aliqua retinere. Non obstantibus quibuscumque privilegiis, literis, sive indulgentiis Apostolicæ Sedis, super hoc cuicumque Ordini, vel Religioni, seu personis quantumvis exemptione, vel immunitate gaudentibus, sub quavis forma verborum concessis.

Prohibitio discendi ab isto Ordine.

§. 10. Prohibemus insuper, ut nulli Fratrum vestrorum post factam in Monasterio vestro, vel in aliis locis vestris ejusdem Ordinis professionem, fas sit sine Abbatis sui licentia Ordinem ipsum relinquere, & ad locum Religionis alterius, vel ad Ordinem alium transferre. Discedentem verò aliter nullus, cujuscumque Religionis, vel status existat, audeat retinere. Quod si secus factum fuerit, tam discedens, quam is, seu illi, qui ipsum talem receperint, si requisiti eum à se non rejecerint infra mensem, ipso facto sententiam excommunicationis incurrant.

Prohibitio alienandi habitum ab quo consensu Capituli. Accedit maior prohibitio Pauli II. in cons. 5. Ambrosiana.

§. 11. Illud quoque districtius inhibentes, ne tu fili Pater Abbas, vel aliquis ex Prælati vestris, terras seu quaslibet possessiones d. Monasterio S. Spiritus, vel membris ejus à Christi fidelibus collatas, vel in posterum conferendas, aut successores tui, dare, vendere, distrahere, aut alienare absque consensu totius Capituli Generalis, aut majoris, vel sanioris partis, & in casibus à jure permittis, modo quolibet præsumatis. Quod si secus factum fuerit, alienationes hujusmodi ex nunc irritas esse, & tam concedentes, quam ipsos recipientes, singulos eorum videlicet excommunicationis, Collegia verò & universitates interdicti sententias, si fortè requisiti à vobis bona prædicta alienata taliter restituerent noluierint infra mensem, ipso facto volumus subiacere.

Fidei tenendi que & m. n. no. re. plenat.

§. 12. Cæterum ne aliquis Monachus, vel Conventus, in Monasteriis & locis vestris professus, absque con-

sensu & licentia proprii Abbatis, seu majoris partis sui Conventus, pro aliquo fidejubeat, vel ab aliquo pecuniam mutuo recipiat quoquo modo, districtius inhibemus. Quod si secus factum fuerit, Abbatem, & Conventum præfatos ad hæc teneri nolumus, & fidejubentem, & recipientem pecuniam mutuam, eo ipso volumus vinculo excommunicationis astringi.

§. 13. Inhibemus etiam, ne aliquis Episcopus, vel quævis alia persona, spiritualem, vel aliam jurisdictionem habens, vos ad Synodos, vel Conventus forenses, nec ad convocationes suas accedere, vel cum eis intra vel extra Civitates vel terras, personaliter exire, aut suis constitutionibus subjacere, seu Capitula, Scrutinia, & Inquisitiones in locis vestris, vel aliqui de vobis, vel de vestrorum aliquo facere, aut fidelitatem juramento firmatam, & manuales obedientiam à vobis, aut Prioribus, & Superioribus vestris exigere.

§. 14. Seu etiam prohibere, ne ad Civitates, seu Villas, & ad loca quælibet, ubi religiose, & honestè morari possitis, audeatis accedere, ibique pro vestris usibus Edificia, Monasteria, Ecclehas, seu Oratoria ex permissione, & indulto nostro construere liberè valeatis. Aut in accedentes Fratres, & Monachos vestros, seu constructores hujusmodi, vel receptatores eorum excommunicationis, vel interdicti proferre sententias. Aut alias Fratres vestros ire ad Conventus forenses, nec ad Monasteria, Ecclehas, Prioratus, seu membra, & loca vestra præfata causâ celebrandi Ordines, aut tractandi causas, vel Conventus aliquos publicos convocandi, vobis invitatis venire præsumat.

§. 15. Nec regulares electiones Abbatum vel Priorum Monasteriorum, & locorum vestrorum impediatur, aut de instituendis, aut removendis ipsis se aliquatenus intromittat. Quod si aliter præsumptum extiterit, venientem contra præmissa, cujuscumque status, præeminentiæ, dignitatis, vel conditionis existat, interdicti sententiæ volumus subjacere.

§. 16. Liceat quoque tibi prædictæ Pater Abbas, tuisque successoribus inter Fratres ejusdem Ordinis, & aliis ad Missas vestras convenientibus, benedictionem solemnem facere, dummodo ibi præfens non sit aliquis Episcopus, vel alia quævis persona superioris status, sicut sunt Patriarchæ, vel Cardinales.

§. 17. Ac vasa, & alia paramenta ad cultum Divinum pertinentia, necnon in ædificandis Capellis, Ecclesiis, aut Hospitalibus primarium lapidem & fundamenta Pontificali more benedicere.

§. 18. Necnon omnes minores ordines Fratrum, & aliis familiaribus, & subditis vestris, adscribi volentibus militiæ clericali, vestra largitione conferre, & omnia alia facere, quæ ad Abbates exemptos ipsius Ordinis in suis Monasteriis, & Ordinibus pertinere noscuntur.

§. 19. Pro consecrationibus verò Altarium, vel Ecclesiarum, aut pro Oleo sancto, vel quolibet Ecclesiastico Sacramento, nullus à vobis sub obtentu consuetudinis alicujus, aut alio quovis modo quicquam audeat extorquere, sed hæc omnia vobis gratis, & liberaliter impendantur. Sit etiam in vobis liberum eadem à quocumque Catholico Episcopo, qui gratiam & communionem prædictæ Sedis obtineat, licitè recipere, qui nostra fretus auctoritate vobis, quod postulat impendat.

§. 20. Concedimus quoque vobis, ut si quem hujusmodi Episcopum, quo plenam notitiam habeatis, per vos transire contigerit, ab eo consecrationes Altarium, & Monachorum Ordinationes in sacris, ex permissione Sedis Apostolicæ recipere valeatis.

§. 21. Porro cum generale terræ fuerit interdictum, in Monasteriis, Ecclesiis, & Oratoriis vestris, & aliis quibuscumque locis competentibus, si in terra sic interdicta constitierint, clausis januis, & interdictis exclusis, non pulsatis Campanis (submissa tamen voce) vobis liceat celebrare Divina, & Ecclesiastica recipere Sacramenta, dummodo causam non dederitis interdicto, nec id contingat vobis per Sedem Apostolicam specialiter interdicti, neque Monasteria, Ecclehas, & Oratoria eadem alias fuerint ejusdem Sedis auctoritate specialiter interdicta.

Prohibitio... extra... con... V. 111... comp... Prohibitio... extra... con... V. 111... comp... Abbat... cultu... dicit... pulum... que &... mania... clefiarum... Primus... lapid... nendi... clesii... candu... Minus... dines... rendit... vide Co... Tri... e. 111... Ordina... nihil cap... pro con... tione Ec... siarum...

§.22. Illis vero, qui vestris immorantur obsequiis, aliisque omnibus Christi fidelibus propter hoc ad vos devotè recurrentibus, ex permissione Apostolica, & indulgentia speciali, quas vobis hujusmodi Privilegii auctoritate concedimus, cuncta liberè ministrare possitis Ecclesiastica Sacramenta, & ipsorum corpora, cum decedunt, in vestris Cœmeteriis liberè, & absque Diccësanorum, vel aliorum Ordinariorum contradictione, & aliorum quorumlibet sepelire. Sepulturam siquidem vestram liberam esse decernimus, ita quod extremæ voluntati decedentium, & illis qui se illic deliberaverint sepeliri, nisi fortè excommunicati, vel interdicti fuerint, aut usurarii manifesti, nullus obstet. Et si quando in terras, in quibus residetis, vel earum personas, excommunicationis, & interdicti sententias contigerit promulgari, homines vestris servitiis insistentes, negotiorum quoque vestrorum gestores, & procuratores, oblatores, & operarii, qui in locis vestris cum eorum operibus personaliter inlitterint, hujusmodi sententiis innoxii habeantur, ne prædictis sententiis sint ligati, ibique possint audire Divina juxta formam, quæ locis ipsis, & in eo casu, in quo à Sede Apostolica est concessa, nisi præfate personæ causam dederint interdicti, vel excommunicati specialiter, seu interdicti per dictam Sedem contingat eosdem.

§.23. Insuper recipientibus Ordinem vestrum, & in eo facta & instituta, qui suspensionis, aut interdicti, vel excommunicationum sententiis, à jure vel ab homine promulgatis, generaliter & specialiter sunt ligati, absolventium beneficium juxta formam Ecclesiæ impartiri, ipsosque in Fratres, & Monachos recipere, dummodo in eodem Ordine perseverent, ac eos, qui post assumptionem habitum, vel professionem emissam, reculerint se talibus in seculo fuisse sententiis innodatos, secundum formam eandem, tu fili Pater Abbas tempore tuo, & in posterum Successores tui auctoritate nostra de absolutionis beneficio providere, & dispensare cum eis super irregularitatibus, quas contraxerunt, vel contrahent, si talibus forsitan innodati sententiis, in locis interdicto suppositis divina præsumperint officia celebrare, aut ordines receperunt. Ita tamen, quod si aliqui hujusmodi sententiis propter debita sunt adstricti, in quantum possunt satisfaciunt, ut tenentur. Vosque Abbates, & Priores parentibus oppressorum, cum ab eis fueritis humiliter requisiti, de penitentis salutariibus juxta formam à Canonibus traditam providere salubriter valeatis.

§.24. Sanè quieti vestræ providere volentes, quod per literas Apostolicæ Sedis, aut Legatorum ejus, seu delegatorum Apostolicorum, seu subdelegatorum ab eis conveniri à quoquam minimè valeatis: Quodque nullus correctionis, seu visitationis, vel inquisitionis Officium in Monasteriis, vel Ecclesiis, aut Prioratibus, membris, & locis vestris impendere, vel cognitiones causarum audire præsumat, nec subint Inquisitoribus.

§.25. Nullusque vestrum citationes partium, & denuntiationes sententiarum interdicti, vel excommunicationis facere in prædictis locis, aut recipere curam Monialium, seu Religiosarum quarumlibet personarum minimè teneamini, & ad id cogi non possitis inviti per literas dictæ Sedis, vel Legatorum ejus, nisi eadem literæ Apostolicæ de indulto hujusmodi, & Ordine vestro, & de dicto Monasterio S. Spiritus de Sulmona fecerint mentionem, auctoritate vobis Apostolica indulgemus.

§.26. Concedentes vobis nihilominus, quod si aliqui vestri Monachi, seu Frater, post obtentam licentiam à Sede Apostolica, vel à vobis, ad Religionem aliam transeundi, infra spatium trium mensium se ad illam Religionem suæ saluti congruam non contulerint, & ipsius non susceperint habitum regularem, licitè absque alia requisitione Ordinariorum, seu Diccësanorum locorum, ubi reperti fuerint, ipsos tanquam apostatas Monasteriorum vestrorum, & locorum excommunicare, incarcerare, ac alias rigori subdere vestri Ordinis disciplinæ possitis, per vos, aut alios, etiam in quocumque

habitu eos contigerit invenire, & invadere super hoc (si necesse fuerit) auxilium brachii sæcularis, quod tenore concessionis hujusmodi, per eos quos super hoc requiretis, sub obestatione divini numinis volumus exhiberi. Insuper omnes Monachos, vel Fratres, quos à Monasteriis, vel locis vestris, eorum culpis exigentibus, per vos, aut per vestros Vicarios expelli contigerit, & qui proprio suo motu de locis, vel Monasteriis ipsis exiverint, ad Religionem aliam absque hujusmodi licentia, vel ad sæculum, aut laicatum, tanquam canis ad vomitum rediens, convolabunt, ab omni promotione dignitatis, & administrationis Ecclesiasticæ, seu sæcularis esse decernimus alienos. Prædicandi Officium, audiendi etiam confessiones, ac docendi in quacumque facultate, potestate talibus apostatis penitus interdicta.

§.27. Inhibentes expressius, ne aliqua persona, cujuscunque status, conditionis, vel Religionis existat, habitum vestrum, aut consimilem (nisi de Monasteriis, & locis vestris fuerint) deferre præsumant. Contra facientes per Diccësanos locorum, cum à vobis super hoc fuerint requisiti, deponere habitum hujusmodi per censuram Ecclesiasticam, cujuslibet appellacionis obice non obstante, arctius compellantur. Quod si iidem Diccësanus, vel Ordinarius id efficere malitiosè fortè neglexerint, postquam à vobis, vel nuntiis vestris super hoc requisiti fuerint, in suspensionis laqueum incidant ipso facto.

§.28. Adjicimus etiam, quod si aliquis in aliquo Monasterio, vel locorum vestrorum professus, ante ingressum suum in Religionem, aliquibus personis, Universitatibus, vel Collegiis, de quibus, quorumque nominibus memoria penitus non habetur, in aliqua quantitate pecuniæ, vel ad restitutionem aliquarum rerum esset obnoxius, illam & rerum æstimationem ab eo licitè recipere, & in locis vestris, in quibus expedire videbitur, in usus utiles convertere valeatis, & hujusmodi satisfactionem impendens, à præstatione satisfactionis alterius remaneat absolutus.

§.29. Nullisque Religiosis, vel sæcularibus, cujuscunque status, vel conditionis existant, liceat aliquorum corpora defunctorum vobis invitis (quod prohibemus) penitus in vestris sepelire Cœmeteriis, nec in Monasteriis, Ecclesiis, Prioratibus, & aliis locis vestris Missarum solemnias, vel mortuorum officia celebrare.

§.30. Nullisque ex vestris Monachis, Fratribus, & Conversis licitum sit cuiquam, absque Prælatorum suorum licentia, nisi Prælati ipsis sua confiteri peccata.

§.31. Concedimus quoque vobis, ut de iis, quæ in ornamentis, vel pro eis, aut libris, fabrica, luminariis, anniversario septimo vigesimo, sive aliis, ad perpetuum cultum divinum, seu pro pitantiis, aut victu ad sustentationem vestram, vel indumentis, & calceamentis vestris, necnon pro annuis censibus redimendis, ad quorum solutionem aliqua Monasteria, Ecclesiæ, Prioratus, membra, aliaque loca vestri Ordinis obligata forsitan viderentur, aut de iis, quæ pro domibus, prædiis, hortis, aliisque locis emendis vobis legantur, de obligationibus quoque, & obventionibus etiam, quas occasione funerum, & aliis, quæ jure institutionis, seu successione, aut legati, vel relictæ, aut fideicommissi ad vos, & Ecclesias, & loca vestra, pietatis intuitu devenerint contigerit, nulli teneamini justitiam, seu portionem canonicam exhibere, & ad hoc vos decernimus aliquatenus non teneri.

§.32. Cæterum cum sælicis recordationis Innocentii Papa Quartus prædecessor noster olim duxerit statuendum, ut exempti quantacumque gaudeant libertate, nihilominus tamen ratione delicti, seu contractus, aut rei de qua contra ipsos agitur, ritè possint coram locorum Ordinariis conveniri, & illi quoad hoc suam in ipsos jurisdictionem, prout jus exigit, exercere. Nos vobis, ut occasione constitutionis hujusmodi nullum libertatibus, & immunitatibus, seu indulgentiis, vel privilegiis, vobis, & Monasteriis, & locis vestris per

Habitus consimilis ceteris prohibetur.

Satisfactio intransitum Ordinem deinceps.

Alii non celebrant in Ecclesiis Ordinibus.

Persona Ordinibus suis Prælati confiteantur.

De oblatis vel legatis nihil aliis solvant.

Exemptio à jurisdictione Ordinariarum. Tu vide dist. Conc. Trid. sess. 25. cap. 11. & 14. Bull. 39. Clem. 1111. suscepti.

argumenta
§.22.
§.23.
§.24.
§.25.
§.26.

§.23.
§.24.
§.25.
§.26.

§.24.
§.25.
§.26.

§.25.
§.26.

§.26.

nos (ut præmittitur) Apostolica auctoritate concessis, præjudicium generetur, auctoritate vobis præsentium indulgemus.

BONIFACIUS OCTAVVS PONT. CXCIV. ANNO DOMINI MCCXCIV.

Prædicandi facultas. intellige secundum Concil. Trid. sess. 24. cap. 4.

§. 33. Propterea proponendi populo verbum Dei, & dandi omnibus verè poenitentibus, & confessis, qui hujusmodi prælicationi interesse voluerint quadraginta dierum Indulgentiam de injunctis eis poenitentibus.

Confessiones quo audiendi. intellige juxta Bull. 23. Leo. X.

§. 34. Audiendi quoque confessiones, & injungendi poenitentias, & imponendi absolutionem debitam pro confessis, conferendi etiam Ecclesiastica Sacramenta, tam hominibus & vallallis vestris, quam cæteris Christi fidelibus.

Campanam pulsandi. Hec intelligas, ut Bull. Leon. XI.

§. 35. Necnon habendi, & pulsandi Campanas diu, nocturne ad horas Canonicas, & quodcumque de vestra processerit voluntate, absque cujusque contradictionis objectu.

Dispensandi cum intrantibus Ordinis. Hec intellige juxta Bull. 115. Clem. VIII.

§. 36. Dispensandi etiam cum Fratribus, seu Monachis ad vestra Monasteria, & loca convolantibus, & ibidem degentibus, super irregularitatibus quibuscunque, etiamsi prius eas fortasse contraxerint, quam prædicta loca, & Monasteria intravissent, dummodo ex homicidii, vel mutilationis causa irregularitates ipsæ minime sint contractæ. Absolvendi etiam Fratres, & Monachos memoratos ab excommunicatione quacunque, etiamsi ejus absolutio tantum sit Sedi Apostolicæ reservata, plenam, & liberam vobis, filii Abbates, auctoritate Apostolica concedimus potestatem.

Oblationes recipiendi de bonis feudaliibus.

§. 37. Indulgemus etiam vobis, ut bona feudalia, vel alia quælibet vobis oblata liberè recipere valeatis, ac licitè retinere, nulla constitutione, seu consuetudine contraria obstanti, aut etiam si loci Diocæsanus bona ipsa pro decimis non solutis, aut præstationibus aliis sibi, aut Ecclesiæ suæ asserat obligata.

Mutatio principalis Monasterii sit ad libitum Ordinis.

§. 38. Et quia mutatio temporum facti mutationem fortè requireret, licitum sit vobis aliquid aliud de Monasteriis vestris, præsentibus aut futuris, caput aliorum Monasteriorum, & membrorum vestrorum (si expediens fuerit) ordinare.

Pœna præmissis contra venientium.

§. 39. Nos enim ex nunc decernimus irritum, & inane quicquid contra tenorem concessionum, constitutionum, indulgentiarum, & inhibitionum hujusmodi, & capitulorum omnium, & etiam singulorum, quæ superius sunt expressa, per quoscunque attentatum est, vel in posterum contigerit attentari. Et interdicti, suspensionum, & excommunicationum sententias, si quas contra præmissa, vel aliquid præmissorum, in vos, vel in vestrum aliquem, sive aliquos, aut loca vestra, seu benefactores vestros, aut executores, vel hæredes, à quocunque, cujuscumque præminentia, dignitatis, aut honoris vel status existat, in posterum contigerit promulgari, volumus eo ipso penitus non tenere.

Annua reconditio debita Sedi Apost.

§. 40. In signum verò perceptæ libertatis vestræ, & subjectionis solius Romanæ Ecclesiæ, per nos vobis concessæ, ut superius præmittitur, unam unciam auri solvendam annis singulis in Festo Nativitatis Domini, tam pro capite, quam pro membris vestris, nobis & successoribus nostris Romanis Pontificibus persolvatis. Nulli ergo omnino hominum, &c.

Dat. P. A. 1. die 27. Sept.

Dat. Aquilæ, 5. Kalendas Octobris, Pontificatus nostri anno 1.



Bonifacius VIII. Caietanus, Patria Anagninus, Benedictus antea dictus, Patre Luitfrido, Presbyter Cardinalis Sylvestri, & Martini in Montibus, tit. Equitii. Creatus Neapoli 9. Kalend. Januarii, anno Domini 1294. Coronatus Romæ 17. Kalend. Februarii 1295. Sedit annos 8. menses 9. dies 28. Creavit Cardinales 16. Obiit Romæ 5. Idus Octobr. 1303. Sepultus est in Basilica Vaticana. Vacavit Sedes dies decem.

Contra dantes aliquid, vel promittentes, aut recipientes pro obtinenda gratia vel justitia apud Sedem Apostolicam, ac etiam contra scientes, & non revelantes.

Constitutio ista licet sit inter extrav. commun. in tit. de Sentent. excommun. eam tamen posui tanquam Curialibus admodum necessariam, & quia in hoc opere extat Bulla Greg. XIII. num. 24. Ab ipso, ubi hac extenditur ad prædictorum complices & auxiliatores. Prout etiam confirmata & ampliata fuit à Clem. VIII. in ejus const. 10. Pro commissa. Quam diligenter attende, quoniam puto eam esse intelligendam secundum ejus subiectam materiam, id est ligare dantes aliquid vel recipientes de bonis Communitatum Status Ecclesiastici, & non alios.

BONIFACIUS EPISCOPVS, &c.

EXCOMMUNICAMUS & anathematizamus ex parte Dei omnipotentis, Patris, & Filii, & Spiritus sancti, auctoritate quoque Beatorum Apostolorum Petri & Pauli, & nostra, omnes Clericos, Religiosos, & Laicos utriusque sexus, sive sint familiares Curie, sive alii undecumque, qui aliquod pactum fecerint, seu aliquid parvum, vel magnum promiserint, vel promissionem receperint, aut ex pacto, sive promissione occulta vel manifesta facta sub generalibus, & plenariè non expressis aperte verbis, quicquam dederint, aut receperint, magnum vel parvum, vel promissionem de quacunque re, aut utilitate propter hoc consequenda fecerint, vel receperint pro aliqua justitia, sive